

T5236.05/4462

58

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 20 1940

文苑英華卷第二百六十六

詩一百六十六

送行一

梁簡文帝四首

沈約一首

吳均十首

何遜一首

朱超二首

王僧儒一首

庾肩吾一首

范雲二首

徐陵三首

陸鏗二首

王褒三首

庾信二首

陳後主一首

江總三首

孔德紹二首

孫覿一首

鄭公超一首

李益一首

文苑英華卷第二百六十六

詩一百六十六

送行一

梁簡文帝四首

沈約一首

吳均十首

何遜一首

朱超二首

王僧儒一首

庾肩吾一首

范雲二首

徐陵三首

陰鏗二首

王褒三首

庾信三首

陳後主一首

江總三首

孔德紹二首

釋智六一首

鄭公超一首

曹範一首



劉夢子一首

式二首

陳子良一首

信明一首

王胄一首

百英一首

王勃五首

七首

餞別

梁簡文帝

行樂此南皮讌餞臨華池

開節花暗鳥迷枝窓陰

隨影度水色帶風移徙命銜

酒成憫別離

送別

前人

行行異沂海依依別路岐水苔隨纜聚岸柳拂舟垂石菌

生懸葉江槎柳卧枝燭盡悲當

一作

去酒浦惜將

一作離

傷離新體

前人

傷離復傷離別後情鬱紆以悽隱去棹憫憫愴還途還途

類作

意不申轉顧獨霑巾前驅經御宿後騎歷河漣胡香

翼還憶清笳送後塵落日斜飛蓋餘暉承畫輪柳影長橫

路槐枝深隱人桂宮夕暉

月色上的的夜螢飛草

雲亂聚排枝度葉鳥爭

樓還向華池遊前時

街杯共賞處今茲對此獨

偃師雖北連轅轅已

意不迷長歎情無

意不迷長歎情無

錢臨海太守劉孝勝 前人
碣石臨東海峩眉距三峩嶺杜昔夾河二龍今出守方夜
無犬驚向昔神牛闕三峩嶺繞輕暮麥雨六新溜念此一街
觴懷離在惟舊

送別友人

沈約

君東我亦西啣悲涕如霰浮雲一南北何由展言宴方作
異鄉人贈子同心扇遙裔發海鴻連翩出簷燕春秋更去
來參差不相見

別范安成

前人

平生少年日分手易前期及爾同衰暮非復別離時勿言
一樽酒明日難共持夢中不識路何以慰相思

別謝文學

前人

漢池水如帶巫山雲似蓋一望沮漳水寧思江海會以我
徑寸心從君千里外

同柳吳興烏臺集送柳舍人

吳均

河陽一悵望南浦送將歸雲山離掩曖花霧共依罪集作罪依

流連反舌哢下上集作上下陽禽飛桂舟無掩柅玉軫有離薇

願君嗣蘭杜時拂集作採東臯薇

同柳吳興河山湖州山名集送劉餘杭 前人

王孫重離別置酒峯之巖透迤川上草參差澗裏薇輕雲

紉一作劍遠集作晚岫細雨沐山衣簷端水禽息窓上野螢飛

君隨綠波遠我逐清風歸

送柳吳興竹亭集

前人

平原不可望波瀾千里直夕魚汀下戲暮羽集作雨簷中息
白雲時去來青峯後負側躑躅牛羊下晦昧崦嵫色王孫
猶未歸且聽西光厝

酬別江主簿屯騎

前人

有客告將離贈言重蘭蕙泛舟當泛濟結交當結桂濟水
有清源桂樹多芳根毛公與朱亥俱在信陵門趙琴鳳凰
桂吳醪金壘樽我有北山志留連為報恩夫君皆逸翮搏
景復凌騫白雲間海樹秋日暗平原寒虫鳴趯趯落葉飛
翻翻何用贈分首自有北堂萱

贈王桂陽別三首

前人

昔聞楊伯起拖玉振清風高華積海外名實滿山東自有
吾都相非無四世公臨窓驚白日倚匡曳輕虹願持鷓鴣
羽歲暮依梧桐

二

客子慘無歡送別江之干白雲方渺渺一作渺黃鳥尚關關
糾紛巫山石合杳洞庭瀾行依侵曉露征船夜泊湍一作湍
犯夜無因停合浦見此文一作珠還

三

樹響峽山來溪賴聚急旅帆風飄揚行巾露霑濕
深浪間兼葭浪雲沒城邑不見別離人獨有相思泣

贈鮑春陵別

前人

八卷五集 卷之三 前集

落葉思紛紛 一聲猶可聞 水中千丈月 山上萬里雲 海鴻來往疑 去林花合復分 所愛別離意 白露下露裙

別王謙

前人

嚴光不逐類聚 世流轉任飛蓬 欲還天台嶺 不狎甘泉宮 離歌玉絃絕 別酒金卮空 儻遣故人念 僕在東山東

酬別

前人

故人杯酒別 天清明月亮 露下寒草一作葭 中風起秋江上

衣染潺湲泣 棹犯參差浪 七首直千金 七寶雕華裝側亮切已

注在前類聚疑 生離何用表 願此持相餉

與胡興安夜別

何遜見類聚

居人行轉軾 客子暫維舟 念此一筵笑 分為兩地愁 露濕

寒塘草 月映清淮流 方抱新離恨 獨守故園秋

別劉孝先

朱超

疲疴積未瘳 伏枕捲長愁 復念夜分手 江上值徂秋 陰凝

變遠色 落葉泛寒流 繁霜積曉纒 輕水繞夜舟 曳裙出兔

苑 引領望龍樓 勿念荆臺側 無為戚情遊情一作或

道別席中

前人

數年共棲一作遊 息一日一作旦 各聯翩 勿言或作論 行近遠 終

是隔山川長 波漫不極高 岫鬱相連急 風亂還鳥輕 寒靜

暮蟬扁舟已入派 孤帆漸逼天 停車對空渚 悵一作長 望轉

依然

送殷何兩記室

王僧孺見類聚

掩袖出南浦驅車送上征飄飄曉雲映潏潏旦潮平不肖
餘何惜無貲爾勿輕儻有還書便一言訪死生

新林集作亭送劉之遴

旆初學記轉黃山路舟纜類聚白馬津送輪時合憶分驂
一作車各背塵常山喜臨岱初學記隴頭悲望秦欲持漢中策還

以寄一作贈征人

送沈記室夜別

范雲

桂水澄夜氣桂山清曉雲秋風兩鄉怨秋月千里分寒芝
寧共採霜徠行獨聞捫蘿勿類聚遺我折桂方思君
一作忽

別詩

前人

孤煙起新豐候鴈出雲中草低金城霧木下玉門風別君

河初滿思君月屢空折桂衡山北摘蘭湘水東蘭摘心
寄桂折意誰通

別毛尚書一作末嘉

徐陵

顧子厲風規一作願子歸來振羽儀嗟余今老病此別畏
一作長離白馬君來哭黃泉我詎知徒勞脫寶劍空掛隴

頭枝一作皆藝

秋日別庾正員

前人

征途愁轉旆連騎慘停鑣朔氣陵疎木江風送上潮青雀
離帆遠朱鳶別路遙唯有當秋月夜夜上河橋

新亭送別

前人

風吹臨伊水時駕出河梁野燎一作老村田黑江秋岸荻黃

隔磯一作城聞上鼓回舟一作洲隱去檣神襟愛遠別流涕極

清漳

江津送劉光祿不及

陰鑑

依然臨送渚長望倚河津鼓聲隨聽絕帆勢與雲隣泊處
空餘鳥離亭已散人林寒正下葉鈞類聚作鈞晚欲收綸如何
相背遠江漢與城闈

廣陵岸送遠使

見二百九十六卷

前人

送別裴儀同

王褒

河橋望行旅長亭送故人沙飛似軍幕蓬卷若車輪邊衣
苦霜雪愁貌損風塵行路皆兄弟千里念相親

別陸子雲

類聚作才

前人

纜出南浦征棹且凌晨還看分守處唯餘送別人中流
搖蓋影邊江落騎塵平湖開曙日細柳發新春滄波不可
望行雲聊共因

別王都官

前人

連翩憫流客類聚作落悽愴惜離羣東西御溝水南北會稽雲

河橋兩隄絕橫岐數路分山川遙不見懷袖遠相聞

別周尚書弘正

庾信

重別周尚書

前人

陽關萬里道不見一人歸唯有河邊鴈秋來南向飛

別張洗馬樞

前人

別席慘無言離悲兩相顧君登蘇武橋我見楊朱路關山

負雪行河水乘冰渡顧子着朱鳶知餘在玄兔

幸玄武湖餞吳興太守任惠 陳後主

寒雲輕重色秋水去來波待我戎衣定然送大風歌

贈別洗馬袁郎 江總

賈誼登朝日終軍對奏年校文升廣內撫劍入崇賢奇才

與殊艷集作殊逸將別愛留聯集作更留聯一作愛攀聯驅車命饒一作管

拱坐面林泉池寒稍下鴈木落久無蟬霧侵山扉一作上月

霜開石路煙高談無以一作興慰遲爾報華篇

此詩三百四十卷重出今已削去注異同為一作

別袁昌州 前人

河梁望壘頭分手路悠悠徂年驚若電別日欲成秋黃鸝

飛飛遠青山去去愁不言雲雨散更似東西流

別南海賓化侯 前人

石關通越井蒲澗邇靈洲此地何遼夔羣英遂遠遊高才

袁彥伯令譽許文休遊焉值君子復此映芳猷峭函多險

澁星瑄壯環周分岐泣世道念別傷邊秋斷山特結霧平

海若無流驚鷺一羣起哀猿數處愁是日送歸客為情自

可求終謝能鳴鴈還同不繫舟其如江海泣惆悵徒離憂

英華及類聚節文八句今以集本添入全篇

送蔡君却入蜀二首 孔德紹

金陵已去國銅梁忽背飛失路還相送他鄉何日歸

二

靈關九折險蜀道二星遙乘楂若有便希泛廣陵潮

送別

釋智才

鏡中辭舊識灞岸別新知年來未應老祇為數經離

送庾羽騎抱

鄭公超

舊宅青山遠歸路白雲深遲暮難為別搖落更傷心空城落日影迥地浮雲陰送君自有淚不暇聽猿吟

送別

魯範

去留雖有異失路與君同如何拔心草還送斷根蓬

送別秦王學士江益

劉夢予

百年風月意一旦死生分客心還送客悲我復悲君

送留熙公別

尹式

太行君失路扶搖我退飛無復紅顏在空持一作將白首歸

色移三代服塵化兩京衣道窮方識一作體命事去乃知非

西候追孫楚南津送陸機雲薄鱗逾細山高翠轉微氣隨

流水咽啖逐斷絃揮但令寸心密隨意尺書稀

別宋常侍

前人

遊入疑作人杜陵北送客漢川東無論去與往俱一作悉是一

飄蓬秋鬢含霜白衰顏倚酒紅別有相思處啼鳥雜夜風

送別

陳子良

落葉聚還散征禽去不歸以我窮途泣一作沾疑作君出塞衣

送金敬陵入蜀

崔信明

金門去蜀道玉壘望長安豈言千里足一作遠方尋九折難

西上君飛蓋東歸我挂冠
猿聲山嶽斷月影落江寒
從今與君別花月幾新殘

別周記室

王曹

五里徘徊鶴三聲斷絕
猿何言俱失路相對泣
離樽別意悽無已當歌
寂不喧貧交欲有贈掩
涕竟無言

送別

李伯藥

眷言一杯酒悽愴起離
憂夜花飄露氣暗水急
還流鴈行遙上月虫聲
迴應秋明月河梁上誰
與論仙舟

送臨盧盧主簿

王勃

窮途非所恨虛室自相依
城闕居年滿琴樽俗事稀
開襟方未已分袂忽多違
東巖富松竹歲暮幸同歸

餞韋兵曹

征驂臨野吹別袂慘江垂
川霽浮煙歛山明落照移
鷹風凋晚葉蟬露泫秋枝
亭臯分遠望延想間雲涯

白下驛餞唐少府

前人

下驛窮交日昌亭旅食年
相知何用早懷抱即依然
浦樓低晚照鄉路隔風煙
去去如何道長安在日邊

送杜少府之任蜀州

集作川

前人

城闕輔三秦風煙望五津
與君離別意同集作俱是宦
遊人海内存知己天涯若
比隣無為在岐路兒女共
霑巾

羈遊餞別

前人

客心懸隴路遊子倦江千
槿濃朝農集作豐砌靜篠密夜窓寒

琴聲銷別恨風景駐離歡寧覺山川遠悠悠旅思難

送梓州周司功

楊炯

御溝一相送征馬屢盤桓言笑方無日離憂獨未寬舉杯
聊勸酒破涕暫為歡別後風清夜思君蜀路難

送李庶子致仕還洛

此地傾集作城日由來供帳華庭逢李廣騎門接邵平瓜

原野炎氛匝關河遊望賒白雲斷巖岫綠草覆江沙詔賜

扶陽宅人榮御史車霸池一相送流涕向煙霞

送臨津房少府

前人

岐路三秋別江津萬里長煙霞駐征蓋絃奏促飛觴階樹

含斜日池風泛早涼贈言集作未終集作竟流涕忽霑裳

送豐城王少府

愁結亂如麻長天照落霞離亭隱喬樹清水浸平沙左尉
才何屈東關望漸賒行看轉牛斗持此報張華

送劉校書從軍

前人

天將下三營星門召五集作戎坐謀資廟畧飛檄佇文雄

赤土流星劍烏號明月弓秋陰生蜀道殺氣繞湟中風雨

何年別琴樽此日同離亭不可望溝水自西東

送鄭州周司功

前人

漢國臨清渭京城枕濁河居人下珠淚集作賓御促驪歌

望極關山遠秋深煙霧多唯餘三五夕明月暫經過

夜送集作

趙縱

趙氏連城壁由來天下傳送君還舊府明月滿集作秦州

文苑英華卷第二百六十六

文苑英華卷第二百六十七

詩一百十七

送行二

盧照隣六首

駱賓王七首

陳子昂七首

李嶠七首

同餞唐洲南使君赴任九首

同餞許洲宋司馬赴任七首

宋之問十一首

張說十首

送鄭司倉入蜀

離人丹水北遊客錦城東客恨良無已離憂自不窮隴雪朝結陣江月夜臨空關塞疲征馬霜氛落早鴻潘年三十外蜀道五千中送君秋水曲酌酒對秋風

送梓州高參軍還京

京落風塵遠，斜煙霧深。北遊君似智，南飛我異禽。別路琴聲斷，秋山猿鳥吟。一乖青嶠酌，空佇白雲心。

還京贈別

此詩二百八十六卷重出今已削去

前人

風月清江夜，山水白雲朝。萬里同為客，三秋契不凋。戲鳥分斷岸，歸騎別高標。一去仙

集作遷

橋道還望錦城遥

送幽州陳參軍赴任寄呈鄉曲故

集作父老

薊北三千里，關西二十年。馮唐猶在漢，樂毅不歸燕。人同黃鶴遠，鄉共白雲連。郭隗池臺處，昭王樽酒前。故人當已老，舊壑幾成田。紅顏如昨日，衰鬢似秋天。西蜀橋應毀，東周石尚全。灞池水猶綠，榆關月早圓。塞雲初上鴈，庭樹欲

銷蟬送君之舊國，揮涕獨潛然。

大劍送別劉古史

前人

金碧禺山遠，關梁蜀道難。相逢屬晚歲，相送動征鞍。地險綿川咽，雲凝劔閣寒。儻遇中孝所，為道憶長安。

綿州官地餞別

同賦濟字

前人

輜軒遵上國，仙氣下靈

一作雲

關樽酒妨

集作方

無地聯綫喜

暫攀離言欲贈策，高辯正連環。野徑遊

集作浮

雲斷荒池春

草班殘花落，古樹度鳥入。澄灣欲叙他鄉別，幽谷有綿蠻。

秋日別侯西

駱賓王

我留安豹隱，君去學鵬搏。岐路分襟易，風雲促膝難。夕漲流波急，秋山落日寒。唯有思歸引，悽斷為君彈。

以下七篇集見集本

送吳七遊蜀

日觀分齊壤星橋接集作抵蜀門桃花嘶別路竹葉瀉離樽

夏老集作盡蘭猶茂秋深集作新柳尚繁霧銷山望迥風高野

聽喧勞歌徒欲奏贈別竟無言惟有當秋月空照野人園

秋日餞集作送尹太之集作赴京 前人

桂瓢余隱舜負鼎爾干湯竹葉離樽滿桃花別路長低河

耿秋色落月抱寒光素書如可嗣幽谷佇賓行

餞鄭安陽入蜀 前人

彭門集作山折坂外井絡少城隈地是三巴俗人非萬集作百

里才畏集作長途君悵望岐集作別路我徘徊心事集作賞風煙

隔容華歲月催遙遙分鳳野去去轉龍媒遺錦非前邑鳴

琴即舊臺劍門千仞起石路五丁開海客乘槎渡仙童馭

竹迴魂將離鶴遠思逐斷袞哀唯有雙鳧鳥飛去復飛來

送劉少府遊越州

一丘余枕石三月爾懷鈿離亭分鶴蓋別岸指龍川背夏

蟬聲斷來寒鴈影連如何溝水上悽斷聽離絃

送郭少府

開筵枕集作坑德水輟棹艤仙舟貝闕桃花浪龍門竹箭流

當歌悽別曲對酒泣離憂還望青山外空見白雲浮

送費玄之集作云還蜀

星樓望蜀道月峽指吳門萬行流別淚九折切驚魂雪影

含花落雲陰帶葉昏還愁集作當三徑晚獨對一清樽

送東萊王學士無競

陳子昂

寶劍千金買平生未許人懷君萬里別持贈結交親孤松
宜晚歲衆木愛芳春已矣將何適無令白首集作髮新

以下六篇並見集本

送魏兵曹使雋州

得登字見三百九十六卷

前人

送客

前人

故人洞庭去楊柳春風生相送河洲晚蒼茫別思盈白蘋
已堪把綠芷復含榮江南多桂樹歸客贈生平

送殷大入蜀

禹集作蜀

山金碧路

集作地

此地饒英靈送君一為別悽斷故

鄉情夏集作片

雲生極浦斜日隱離亭坐看征騎役唯見遠

山青

送梁李二明府

前人

負書猶在漢懷策未聞秦復此窮秋日芳樽別故人黃金
裝屢盡白首契逾新空羨雙鳧鳥俱飛向玉輪

送別陶七

同用風字

前人

黃鶴煙雲

一作霞

去清江琴酒同離帆方楚越溝水復西東

芙蓉生夏浦揚柳送春風明日

集作月

相思處應對菊花叢

送別崔著作東征

前人

金天方肅殺白露始專征王師非樂戰之子慎佳兵殺集作

海

氣侵南郡邊風掃北平莫買龍寒劍

集作莫賣盧龍塞

歸邀麟

閣名

送光祿劉主簿之洛

李嶠

函谷雙嶠右伊川二陝東仙舟宵將隔方竿斲云同朋席
餘歡盡文房舊侶空他鄉千里月岐路九秋風背櫪嘶班
馬分洲叫斷鴻別後青山外相望白雲中

送駱奉禮從軍

前人

王塞邊烽舉金壇廟畧申羽書資銳筆戎幕引英賓劍動
三軍氣衣飄萬里塵琴樽留別賞風景惜離晨笛梅含晚
吹營柳帶餘春希君勒石反歌舞入城闈

餞駱四二首

前人

平生何以樂斗酒夜相逢曲中驚別緒醉裏失愁容星月
懸秋漢風霜入曙鍾明日臨溝水青山幾萬重

二

甲第驅車入良宵秉燭遊人爲

集作追

竹林曾酒獻菊花秋

霜吹飄無已星河漫不流重嗟歡賞地翻召別離憂

送李安邑

落日荒郊外風景正淒淒離人席上起征馬路傍嘶別酒
傾壺贈行書掩淚啼殷勤御溝水從此各東西

又送別

岐路方爲客芳樽暫解頰人隨轉蓬去春伴落梅還白雲
渡汾水黃河遠晉關離心不可問宿昔鬢成班

餞唐州高使君赴任

岑義

蒼茫南塞地明媚上春時日極傷千里懷君不自持征車

別岐路斜日下崦嵫一歎軺軒阻悠悠即所思

同前

崔湜

芳春桃李時京東

集作都

物華好為岳豈不貴所悲涉遠道

遠道不可思宿昔夢見之贈君雙佩刀日夕有

集作無

親期

同前

盧藏用

餞酒臨豐樹寒帷出魯陽蕙蘭春已晚桐栢路猶長祖逖

方城鎮安人外氏鄉從來二千石天子命惟良

同前

張說

常時好閑晏

集作獨

朋友

集作舊

少相過及爾宣風去方差離

別

集作別

多淮流春婉婉汝海路蹉跎百年

集作歲

屢分散歡

言復幾何

同前

徐彥伯

香萼媚紅滋垂條縈綠絲情人拂瑤袂共惜此芳時驪驪

已躑躅鳥隼方萎蕤歧予望太守流潤及京師

同前

求日奏文時東風搖蕩夕浩然思樂事那復念

一作復贈

征客

淮水常流清

一作清流

楚山雲水白

一作雲白

勿言行路遠所貴

專城伯

同前

淮源水之清可以濯我

一作君

纓彼美稱才傑親人佇政聲

歲寒疇曩意春暖

一作晚

別離情終難

一作歎

臨岐遠行看擁

傳榮

同前

桐栢膺新命芝蘭惜舊遊
鳴臯夜鶴在遷木早鶯求傳擁
淮源路樽空灞水流
落花紛送遠春色別離憂

司前

馬懷素

外牧資賢守斯人奉命

一作帝

俞淮南應建隼渭北軫

疑分

符坐歎煙波隔行嗟物候殊
何年昇美課廻看此城隅

餞許州宋司馬赴任

李適

昔吾遊箕山竭來涉潁水
復有許由廟迢迢白雲裏
聞君佐繁昌臨風悵懷此
儻到平輿泉寄謝干將里

同前

展驥旌時傑談雞美代賢
暫留仙掖務追送近郊筵
地慘

金商節人康磬假田從來
昆友事成以佩刀傳

同前

國爲休徵選輿因仲舉題
山川襄野隔朋酒灞亭暎
零雨征車警秋風別驥嘶
離歌一曲罷愁向勿悽悽

同前

馬懷素

頻水開郡邑角宿躔分野
非君仲舉材誰是題輿者
憫憫琴上鶴蕭蕭路傍馬
嚴程若可留別袂希再把

同前

徐堅

舊許星車轉神京祖帳開
斷煙傷別望寒雨送離杯
辭燕依空遠賓鴻入聽哀
分襟與秋氣日夕共悲哉

同前

令弟與名兄高才振兩京別序聞鴻鴈離章動鶴鶴遠朋
馳翰墨勝地寫丹青歲月相思夜勞望穎川星

同前

穎郡水東流荀陳兄弟遊偏傷茲日遠獨向聚星州河潤
在明德人康非外求當聞力為政遙慰我心愁

宋公宅送甯諫議

前人

宋公爰創宅庾氏更誅茅間出人三秀平臨楚四郊漢臣
來絳節荆牧動金饒樽溢宜城酒笙裁曲沃匏露荷秋變
節風柳夕鳴梢一散陽臺雨方隨越鳥巢

送趙司馬越蜀州

前人

餞子西南望煙綿劍道微橋寒金鴈竝集作落林曙碧雞飛

識拜輿方遠仙城履會歸定知和氏璧遙掩玉輪輝

送武進鄭明府

前人

絃歌試宰日城闕賞心遠北謝蒼龍去南隨黃鵠飛夏雲
海中出吳山江上微昨謚豈云遠從此慶緇衣

送合宮蘇明府

鉉府誕英規公才天下知謂乘羔鴈族繼入鳳凰池赤縣
求人隱青門起路岐翟廻車少別鳧化鳥遙馳神哭周南
境重歌豫北豫集作渭垂賢哉苟奉倩職衮佇來儀

送永昌蕭贊府

柳變曲江頭送君函谷遊弄琴寬別意酌醴集作酒醉春愁
戀本亦河極贈言微所求莫令金谷水不入故園流

送李奉集作符制

前人

行李戀庭闈乘軺振絲衣南登指吳腹北走出秦畿去國
夏雲斷還鄉秋鴈飛旋聞郡計入更有使臣歸

送朔方何侍御

前人

聞道雲中使乘驄往復還河兵守陽月集作日塞虜失陰山
拜職常隨驃銘功不讓班旋聞受降日歌舞入蕭關

送楊六望赴金水

前人

借問梁山道嶺岑幾萬里遙州刀作字一作路絕壁劍為峰

惜別路窮此留歡意不從憂來生白髮時晚愛青松勿以
西南遠夷歌寢盛容台階有高位寧復久臨邛

送杜審言

前人

卧病人事絕聞絕句詩君萬里行一作君行河橋不相

江樹遠含情別路迨孫楚維舟弔屈平可惜龍泉劍流落
在豐城

餞胡州薛司馬

前人

別駕促嚴程離筵多故情交深季作友義重伯為兄鎮靜
移吳俗風流在漢京會看一作逢陳仲舉從此拜公卿

送趙六貞固

前人

目斷南渚雲心醉東郊柳怨別此何時青芳來已久與君
共時物盡此盈樽酒始願今不從春風戀携手

岳州宴別潭州王熊

張說

縉雲連省閣潯水透集作西東然諾心猶在容華歲不同

孤城臨一作楚塞遠樹入秦宮誰念三千里江潭一老翁

南中送蔣五岑向青州

前人

老親依北海賤子棄南荒有淚皆成血無聲不斷腸此中

逢故友彼地送一作還鄉願為江楓集作楓林葉隨君度洛陽

此詩二百八十六卷重出今已削去

幽州別徐集作長河行先

前人

惠愛交千里集作惠好交情重辛勤世事多荆南久為別薊北遠

來過寄目雲中鳥留歡酒上歌影移聲復間遲暮兩如何

送蘇合宮五官類

前人

都邑群方首商身集作萬俗訛變風湏愷悌成化佇絃歌

鸞音珪璋友雍容文雅多振纓遊省闕鏘玉宰京河別曲

鸞初下行軒雉尚過百壺非餞意流詠在人和

送趙二尚書彥昭北伐

前人

虜地河水合邊城備此時兵連紫關路將舉白雲司提劍

榮中賞銜盃集作感出師日華鮮集作組練風色焰一作艷

旌旗投筆樽前起橫戈馬上辭梅花吹白集作引楊柳賦

歸詩

送王光庭

前人

同居洛陽陌經日顯相求及爾江湖去言別悵悠悠楚雲

眇羈翼海月倦行舟愛而不可見徒嗟芳歲流

岳州別姚司馬紹之制許歸侍

前人

和玉悲無已長沙宦不成天從扇枕願人逐倚門情方外

懷司馬江東憶出兵回若接泊處空嶺夜猿驚

洛橋北亭餞諸刺史

前人

離亭拂御溝別

集作岸

曲舞船樓詔餞朝廷牧符分海縣憂

服肱還入郡父母更臨州扇逐仁風轉車隨靈

集作霽

兩流

恩光水上溢榮色柳間浮預待群芳最三公不遠求

送崔二長史日知赴潞州

前人

東山憐

集作懷

卧理南省悵悲翁共見前途促何知後會同

莫輕一筵酒

集作筵宴又作壺酒

明日半成空况爾新離集作離庭闕思

歸迷夢中

送李侍郎迴秀薛長史季昶同賦水字

漢郡接胡廷幽弁對峯壘旌旃

集作旌

按部曲文武惟卿士

薛公善籌畫李相威邊鄙中冀分兩河長城各萬里籍馬

黃花塞菟兵白狼水勝敵在安人為君汗青史

此詩卷宋之問送杜審言詩共四韻而洪遂絕句詩

選及別本只收前兩韻書此以示後

文苑英華卷第二百六十七

文苑英華卷第二百六十八

詩一百十八

送行二

蘇頲九首

張九齡六首

韋述一首

張諤一首

梁陟一首

張子容二首

孫逖八首

王維十九首

孟浩然十二首

錢洛州陸長史再守汾州

蘇頲

河尹政成基

疑作基

為汾昔所推不榮三入地還美再臨時

擁傳雲初合聞鶯日正遲道傍多出餞別有吏人思

錢荊州崔司馬

前人

茂社雕龍昔香名展驥初水連南海漲星拱北辰居稍發
仙人履將題別駕輿明年徵拜入荆玉不藏諸

餞趙尚書攝御史大夫赴朔方軍 前人

勁虜欲南飛

集作窺

揚兵護朔垂趙堯寧易印鄧禹即分麾

野餞迴三傑軍謀用六奇雲邊愁

集作看

出塞口下愴臨岐

拔劍行人舞揮戈戰馬馳明年麟閣上文國拜

集作畫

於斯

送吏部李侍郎東歸

得歸字

陌上有光輝披雲向洛畿賞來榮扈從別至惜分飛泉溜
含風急山烟帶日微茂曹今去矣人物喜東歸

送光祿姚卿還都

漢室有英台荀家寵俊才九卿朝已入三子暮同來不授

綸為草還司鼎用梅兩京王者宅駟馬日應回

春晚送瑕丘田少府還任因寄洛中鏡上人

聞道還沂上因聲寄洛賓別時花欲盡歸處酒應春聚散

同行客悲歡屬故人少年歸

集作追

樂地遙贈一露巾

餞澤州盧使君赴任 前人

聞道降綸書為邦建綵旟政憑循吏性才以貴卿除詞賦

良無敵聲華藹有餘榮承四嶽後清絕上天初關路通秦

壁城池繞晉墟撰期行子赴分曲

集作典

列侯居別望喧追

餞離言繫慘舒平蕪寒菴

古勇切

亂集作思

喬木夜蟬踈寥沉

秋先起推移月向諸舊交何以贈客至待烹魚

景龍觀送裴士曹

前人

昔日嘗聞公相第一作宅今時變作列仙家池傍坐客穿叢
蓀樹下遊人掃落花雲雨長疑向函谷山泉直似到流沙
君還洛邑分明記此處同來閱歲華

餞郢州李使君

前人

楚有章華臺遙遙雲夢澤復聞擁符傳及是收集作辭圖籍

佳政在黎人能聲寄侯伯離懷朔風起試望秋陰積半路

凄已寒羣山藹將夕傷懷集作心聊把杖悵望集作招悵麒麟客

東湖臨泛餞楊集作王司馬

張九齡

南土秋雖半東湖草未黃聊乘風日好來泛芰荷香蘭棹

無勞速菱歌不厭長忽懷京洛去難與共清光以下六篇並見集本

送楊府李功曹

前人

平生屬良友結綬望光輝何知人事拙連集作相與官情非

別鳥集作路穿林盡征帆際海歸居然已多意况復兩鄉違

送宛句趙少府子卿

前人

解巾行作吏樽酒謝離居脩竹含清景華池澹碧虛地將

幽興愜情集作人與舊遊疎林下紛相送多逢長者車

送韋城李一作蕭少府

送客南昌尉離亭西候春野花看欲盡林鳥聽猶新別酒

青門路歸軒白馬津相知無遠近萬里尚為隣

通化門外送別

屢別華容改長愁意緒微義將恩集作私愛隔情與故人歸

薄官無時賞勞生有事機離魂今夕夢先繞舊林飛

送別鄉人南還

前人

橘柚南中煖桑榆北地陰何言榮落異因見別離心吾亦
江鄉子思歸夢寐深聞君去水宿結思渺雲林牽綴從浮
事遲廻謝所欽東南行舫遠秋浦念猿吟

廣陵送別宋員外佐越鄭舍人還京

韋述

朱紱臨秦望皇華赴洛橋文章南渡越書奏北歸朝樹入
江雲盡城銜海月遙秋風將客思川上晚蕭蕭

送李著作倅杭州

張諤

輟史空三署題輿蒞一方祖筵開霽景征陌值韶光水陸
風煙隔秦吳道路長佇聞敷雅政邦國詠惟康

送孫舍人歸相州

梁陟

盛才傾世重清論滿朝歸作隼他年計一作繫為駕此日飛

比肩移一作趨日近抗首出郊畿為報清漳水分明照錦衣

送孟八歸襄陽

張子容附見孟浩然集

東越相逢地西亭送別津風潮集作清看解纜雲雨見集作海去

愁人鄉在桃林岸江集作山連楓樹春長集作因懷故園意歸

與孟家鄰

送蘇倩遊天台

前人

靈異尋滄海笙歌討翠微江一作水鷗迎近一作共狎雲鶴待

將飛琪樹攀一作嘗仙果瓊樓試羽衣遙知神女問獨怪阮

即歸

送越州裴參軍充使入京

孫逖

日落川徑寒 離心苦未安 客愁西向盡 鄉夢北歸難 霜果林中變 秋花水上殘 明朝渡江後 雲物向一作南看

以下八篇並見集本

送楊法曹按括州

東海天台山 南方縉雲驛一作溪澄 集作問人隱巖險煩

登陟潭壑隨 星使軒車繞 春色儻尋琪樹人 為報長相憶

送周判官往台州

前人

吾宗長作賦 登陸訪天台 星使行看入 雲仙意轉催 飲水

攀璀璨 驅傳歷莓苔 日暮東郊別 真情去不迴

送魏騎曹克宇文侍御判官分按山南

雲陽南臺路 光華驛騎巡 勸農開夢土 恤隱惠荆人 樓迴

吟黃鶴 江長望白蘋 觀風布明詔 更是漢南春

送蘇郎中綰出佐荊州

前人

神仙久留滯 清切伴飛翻 忽佐南方牧 何時西掖垣 高車

自蘭省 便道出荆門 不見河梁別 空銷郢路冤

冬末送魏起居赴京

前人

大名將起魏 良使更逢遷 驛騎朝丹闕 關亭望紫烟 西京

春色近東宮 物華偏早赴 王正月揮毫記 首年

送李補闕攝御史充河西節度判官

前人

昔日叨補衮 邊地亦埋輪 官序慙先達 才名畏後人 西戎

雖獻欵上策 耻和親 早赴軍戎集作幕長清外域塵

送趙評事攝御史監軍嶺南

前人

議獄持邦典臨戎假憲威風從閭闔去雪入洞庭飛莖竹
迎金鼓樓船引繡衣明年降集作拜真月南斗使星歸

送梓州李使君

王維

萬壑樹參天鄉音聽集作山響杜鵑山中一半雨樹杪百重泉
漢女輸檀布巴人訟芋田文翁翻教授不敢倚先賢

送李太守赴上洛

前人

商山包楚鄧積翠藹沉沉驛路飛泉灑關門落照深野花
開古戍行客響空林板屋春多雨山城畫欲陰丹泉通蹕
畧白羽抵荆岑若見西山爽應知黃綺心

送友南歸

前人

萬里春應盡三江鴈欲飛集作鄮連天漢水廣孤客郢城歸

鄭國稻苗秀楚人菽菜一作葉肥懸知倚門望遙識老萊衣

送孟六歸襄陽

一作送孟浩然

前人

附見孟浩然集

杜門不欲集作復出久與世情踈以此為長策勸君歸舊廬
醉歌田舍酒笑讀古人書好是一生事無勞獻子虛

送平澹然判官

前人

不識陽關路新從定遠侯黃雲斷春色畫角起邊愁瀚海
經年到交河出塞流預令外國使知一作只飲月支頭

送孫秀才

前人

帝城春日集作風好况復建平家玉枕雙紋篔簹金盤五色瓜
山中沽魯酒松下飲胡酥莫怨田家苦歸期遠復賒

送丘為往唐州

前人

宛洛有風塵君行多苦辛四愁連漢水百口寄隋人槐色
陰清晝楊花惹暮春朝端肯相送天子繡衣臣

送孫二

前人

郊郭

集作外

誰將

集作相

送夫君道術親書生鄒魯客才子洛

陽人祖席衣寒草行車薄

集作起

暮塵山川向

集作何

寂寞長

望淚霑巾

送丘為落第歸江東

憐君不得意况復柳條春為客黃金盡還家白髮新五湖

三畝地

集作宅

萬里一行

集作歸

人知爾不能薦羞看

集作為

獻

納臣

送嚴秀才還蜀

前人

寧親真

集作為

令子似舅即賢甥別路經花縣還鄉入錦城

山臨清塞斷江向白雲平獻賦何時至明君憶長卿

送宇文三赴河西充行馬軍司馬

前人

橫笛

集作吹

雜繁笳邊風卷塞沙還聞田司馬更逐李輕車

蒲壘成秦地莎居

集作丘

屬漢家當令犬戎國朝聘學昆邪

送秘書晁監歸還日本國

前人

積水不可極安知滄海東九州何處遠萬里若乘空向國

惟看日歸帆但信風鰲身映天黑魚作眼射波紅鄉樹扶

桑外主人孤島中別離方異域音信苦為通

淇上送趙仙舟

集作送祖

濟州

前人

相逢方一笑相送還成泣祖帳已傷離荒城復秋入天寒

遠山淨日暮長河急解纜集作已遙望望君空集作佇立

送別綦母潛落第

前人

聖代無隱者英靈盡來歸遂令東山客不得願采薇既至

君門遠孰云吾道非江淮渡寒食京洛文粹縫春衣置酒

臨長道文粹同心與我違行當浮桂棹未幾拂荆扉遠

樹帶行客孤城文粹當落暉吾謀適不用勿謂集作知音

稀

送綦母潛

前人

端笏明光殿集作歷稔朝雲陛詔看延閣書高議平津邸

適意輕微祿遇人集作削煩禮盛得江佐風彌工建安體

高張多絕絃截河有清濟嚴冬凌羣木伊洛方清泚渭水

永下流潼關雪中閉集作荷篠幾時還塵纓待君洗

送綦母校集作書棄官還江東 前人

明時久不達棄置與君同天命無怨色人生有素風念君

拂衣去四海將安窮秋天萬里靜日暮九江空清夜何悠

悠扣舷明月中和光魚鳥際澹爾蕪葭叢無容客昭世衰

鬢集作如蓬頑踈暗人事僻陋遠天聰微物縱可採其

誰為至公余亦從此去歸耕為老農

送從叔集作遊淮南座上 前人

讀書復騎射帶劔遊淮陰淮陰少年輩千里遠相尋高義

難為隱明時寧陸沉島夷九州外泉館三山深席帆聊問

罪卉服盡成擒歸來見天子拜爵賜黃金忽思鱸魚膾復

有滄江心集作天寒蕪葭渚日落雲憂林江城下楓葉淮
上聞秋砧送歸青門外車馬去駸駸惆悵新豐樹空餘天
際禽

送權三集作

前人

高人不可有清論復何深一見如舊識一言知道心明時
當薄官解薛去中林芳草空隱處白雲餘故岑韓侯久携
手河嶽共幽尋悵別千餘里臨堂鳴素琴

送魏郡李太守赴任

前人

與君伯兄集作別又欲與君離君行無幾日當復隔山坡
蒼茫秦川盡日落桃林塞獨樹臨關門黃河何天外前經
洛陽陌宛落故人稀故人盡離別淇上轉驂駢企予悲送

送悵悵唯陽路古木官津平秋城鄴都集作故想君行懸

日其從出如雲遙思魏公子復憶李將軍

峴山亭送朱大集作遊巴東孟浩然

峴山南郭外送別每登臨沙岸江村近松門山寺深一言
余有贈三峽爾將尋祖席宣城酒征途雲夢林蹉跎遊子
意眷戀故人心去矣勿淹滯巴江集作猿夜吟

送韓使君除洪州都督 前人

述德撫荆衡分符襲寵榮往來看擁傳前後賴專城勿剪
棠猶在澄波水更清重推江漢理旋改豫章行召父多遺
愛羊公有令名衣冠列祖道耆舊擁前程一作峴首晨風
送江陵夜火迎無才慙孺子千里愧同聲

同盧明府餞張郎中除義王府司馬海園作

上國山河裂集作星賢王邸第開故人分職去潘令寵行

來冠盖趨梁范江湘集作山失楚材預愁軒騎動賓客散池

臺

送王昌齡之嶺南

前人

洞庭去遠近楓葉早驚秋峴首羊公愛長沙賈誼愁士風

集作無縞紵鄉味有查頭已抱沉痾疾更貽魑魅憂數年

同筆硯茲夕間衾裯意氣今何在相思望斗牛

送盧少府使入京

前人

楚關望秦國相去千餘里州縣勤王事山河轉使車祖筵

江上列離恨別前書願及芳年堂嬌鶯二月初

送張子容進士赴舉

前人

夕曛山照滅送客出柴門惆悵野中別殷勤醉後言茂林

予偃息喬木爾飛翻無使谷風誚須令文道存

送莫氏外生兼諸昆季從韓司馬入西軍

念汝集作爾習詩禮未嘗違戶扃嚴君先早路集作平生早

君偏萬里更飄零坐棄三冬業集作行觀八陣形飾裝辭

故里謀策赴邊庭壯志吞鴻鵠遙心伴鶴鷓所從文且集

與武無集作不戰自應寧

送王七尉松滋

得陽臺

前人

君不見巫山神女作行雲虹蜺集作脊翠曉氛氲嬋娟遊

集作入襄集作楚王夢覺後集作還隨零雨分空中曉集作

去復飛來朝朝暮暮下陽臺愁君此處集作去為仙尉便逐行雲去不迴

洛下送溪三還揚州

前人

水閣無邊際舟行興便集作共使風羨君從此去朝夕見鄉中

送辛大不及

前人

送君不相見日暮獨愁余楚詞曰眇眇兮愁予余予唐韵並有上聲或改作緒同並非

江上空徘徊天邊迷處所郡邑經焚鄧山河入嵩汝蒲輪去漸遙石徑徒延佇

送謝錄事之越

前人

清旦江天迴涼風西北吹白雲向吳會征帆亦相隨相到

耶溪日應探禹穴竒仙書一作儻先一作示余在此山階

送杜十四

前人

荆吳相接水連絕句詩選作為卿君去春江一作江村正森茫日暮征

帆泊何處天涯一望斷人腸

文苑英華卷第二百六十八

文苑英華卷第二百六十九

詩一百十九

送行四

杜甫十三首

李白二十一首

劉希夷三首

盧象二首

祖詠一首

綦毋潛六首

常建四首

奉送郭中丞兼太僕卿克隴右節度使

杜甫

三十韻

詔發山西將秋屯隴右兵淒涼餘部曲輝蒸舊家聲鵬鸚
乘時去驛驢顧主鳴艱難湏上策容易即前程斜日當軒
蓋高風卷旆旌松悲天水冷沙亂雪山清和虜猶懷惠防

邊詎敢驚古來於異域鎮靜示專征燕薊奔封豕周秦觸

駭鯨中原何慘陸機功臣贊作慘黷餘孽尚縱橫箭入昭陽殿笳

吟細柳營內人紅袖泣王子白衣行宸極妖星動園陵殺

氣平空餘金盃出無復總帷輕毀廟天飛雨焚宮火徹明

呆魚朝共落榆楸夜同傾三月師逾整群胡勢一作就烹

瘡痍一作恭承親接戰勇決一作餘勇冠垂成妙譽期元宰殊恩且

列卿幾時廻節越戮力掃攬槍圭竇三千士雲梯七十城

耻非齊說客甘一作似曾諸生通籍微班忝周行獨坐榮

隨肩趨漏刻短髮寄簪纓徑欲依劉表還疑馱襴衡漸哀

那此別忍淚獨含情廢邑狐狸語空村虎豹爭人頻墜塗

炭公豈忘精誠元帥調新律前軍壓舊京安邊仍扈從莫

作無使後功名

送陵州路使君赴任

前人

王室比多難高官皆武臣幽燕通使者岳牧用詞人國待

賢良急君當拔擢新佩刀成氣像行蓋出風塵戰伐乾坤

破瘡痍府庫貧衆寮宜潔白萬役但一作盡平均霄漢瞻佳

士泥塗任此身秋天正搖落廻首大江濱

送梓州李使君赴任

前人

籍甚黃丞相能名自穎川近看除刺史還喜得吾賢五馬

何時到雙魚會早傳老思筇竹杖冬要錦衾眠不作臨岐

恨唯聽舉最先火雲揮汗日山驛醒心泉遇害陳公殞于

今蜀道憐君行射洪縣為我一潸然

鄴城西原送李判官兄武判官弟赴成都 前人

憑高送所親，久坐惜芳辰。遠水非無浪，他山自有春。野花隨處發，官柳著行新。天際傷愁別，離筵何大頻。

從江送衛十八倉曹還京，因寄岑中允參范郎中

季明

遲日深江水，輕舟送別筵。帝鄉愁緒外，春色淚痕邊。見酒

須一作應

相憶將詩，莫浪傳。若逢岑與范，為報各衰年。

泛江送客

前人

二月頻送客，東津江欲平。烟花山際重，舟楫浪前輕。淚逐

勸盃落

一作

愁連吹笛生，離筵不隔日。那得易為情。

送路六侍御入潮

前人

童稚親情四十年，中間消息兩茫然。更為後會知何地，忽

漫相逢是別筵。不分桃花紅勝錦，生憎柳絮白於綿。劔南

春色還無賴，觸忤愁人到酒邊。

送李校

集作

書赴杜相公墓

前人

青簾白舫益州來，巫峽秋濤天地迴。石出倒聽楓葉下，櫓

搖皆指菊花開。貪趨祖府今晨發，恐失佳期後命催。南極

一星朝北斗，五雲多處是三台。

送翰林張司馬南海勒碑相國製文

前人

冠冕通南極，文章落上台。詔從三殿去，碑到百蠻開。野館

濃花發，春帆細雨來。不知滄海使

集作

天遣幾時回

送衛二十四司直充嶺南掌選崔郎中判官兼寄

帝韶州

前人

選曹分五嶺使者歷三湘才美膺推薦君行佐紀綱佳聲
期共遠雅節在週防明白山濤鑒嫌疑陸賈裝故人海外
少春日嶺南長憑報韶州牧新詩作寄將

夏日楊長寧

一作官

宅送崔侍御常正字入京

醉酒楊雄宅升堂子賤吟不堪垂老髮還對欲分襟天地
西江遠星辰北斗深烏臺俯麟閣長夏白頭吟

送孔巢父遊江東兼呈李白

前人

巢父抽頭不肯住東將入海隨煙霧詩卷長留天地間釣
竿欲拂珊瑚樹深山大澤龍蛇遠春寒野陰風景暮蓬萊
織女回雲車指點虛無是征路自是君身有仙谷世人那

得知其故惜君只欲苦二死留富貴何如草頭露蔡侯靜者

意有餘清夜置酒臨前除罷琴惆悵月照席幾歲寄我空

中書南尋禹穴見李白

一作若逢李
白騎鯨魚

道甫問信今如何

送高司直尋封

一作

閩州

前人

丹雀銜書來暮栖何鄉樹驂驅事天下辛苦在道路司直
非冗官荒山甚無趣借問泛舟人胡為入雲霧與子姻婭
間既親亦有故萬里長江邊邂逅一相遇長卿消渴再公
幹沉綿屢清談慰老夫開卷得佳句時見文章士欣然淡
清素伏枕聞別離疇能忍漂寓良會苦短促溪行水奔注
熊羆咆空林遊子慎馳騫西謁巴中侯艱險如跬步主人
不世才先帝常特顧拔為天軍佐崇大王法度淮海生清

風南翁尚思慕公宮造廣厦木石乃無數初聞伐松栢猶
卧天一柱我瘦一作病書不成成字讀亦誤爲我問故人勞
心練征戍

送客歸吳

李白

江村秋雨歇酒盡一帆飛路歷波濤去家唯坐卧歸島花
開灼灼汀柳細依依別後無餘事還應掃釣磯

送友生遊峽中

前人

集無

風靜楊柳垂看花又別離幾年同在此今日各驅馳峽裏
聞猿叫山頭見月時慇懃一盃酒珍重歲寒姿

送袁明府任長江

前人

別離楊柳青樽酒表丹誠古道携琴去深山見峽迎暖風

花繞樹秋雨草沿城自此長江內無因夜犬驚

杭州送裴大擇時赴廬州長史

前人

西江天柱遠東越海門深去割辭親戀行憂報國心好風
吹落日流水引長吟五月披裘者應知不取金

送史司馬崔相公墓

前人

崢嶸丞相府清切鳳凰池羨爾瑤臺鶴高棲瓊樹枝歸飛
晴日好吟弄惠風吹正有乘軒樂初當學舞時珍禽在羅
網微命苦猶絲願托周周羽相銜漢水湄

送張舍人之江東

前人

張翰江東去正值秋風時天清一鴈遠海闊孤帆遲白日
行欲暮滄海集作波杳難期吳洲如見月千里幸相思

送紀秀才遊越

前人

海水不滿眼觀濤難稱心即知蓬萊石却是巨鼇簪送爾
遊華頂令餘發烏吟僊人居射的道士住山陰禹冗尋溪
入雲門隔嶺深綠蘿秋月夜相憶在鳴琴

送趙雲卿

前人

白玉一盃酒綠楊三月時春風餘幾日雨髮各成絲秉燭
唯須飲投竿也未遲如逢渭川獵猶可帝王師

送友人尋越中山水

前人

聞道稽山去偏宜謝客才千巖泉灑落萬壑樹縈迴東海
橫秦望西陵繞越臺湖清雙鏡曉濤白雪山來八月枚乘
筆三吳張翰盃此中多逸興早晚向天台

送侯十一

朱亥已擊晉侯嬴尚隱身時無魏公子豈貴抱關人余亦
不火食遊梁同在陳空餘湛盧劍贈爾託交親

送梁四歸陳平

前人

玉壺挈美酒送別強為歡大火南星月長郊北路難殷王
期負昴汶水豈集作起垂竿莫學東山卧參差老謝安

金陵送張十一再遊東吳

前人

張翰黃花句風流五百年誰人今繼作夫子世稱賢再動
遊吳棹還浮入海船春光白門柳霞色赤城天去國難為
別思歸各未旋空餘賈生淚相顧共悽然

送楊少府赴選

前人

大國置衡鏡準平天地心却賢無邪人即鑒窮清深吾君
詠南風袞冕彈鳴琴時太多美士京國會纓簪山苗落澗
底幽松出高岑夫子有盛才主司得球琳流水非鄭曲前
行一作前後遇知音衣工剪綺繡一悞傷千金何惜刀尺餘不
裁寒衣衾我非彈冠者感別但開襟空谷無白駒賢人豈
悲一作獨吟大道安棄物時來或招尋爾見山吏部當應無
陸沉

送程劉二侍御兼獨孤判官赴安西幕府 前人

安西幕府多才雄喧喧唯道三數公繡衣貂裘明積雪飛
書走檄如飄風朝辭明主出紫宮銀鞍送別金城空天外
飛霜下葱海火旗雲馬生光彩胡塞塵清計日歸漢家草

綠遞相待

送儲邕之武昌

黃鶴西樓月長江萬里情春風三十度空憶武昌城送爾
難為別街盃惜未傾湖連張樂地山逐泛舟行諾謂楚人
重詩傳謝眺清滄浪吾有曲寄入棹歌聲

金鄉送常八之西京 前人

客自長安來還歸長安去狂風吹我心西桂咸陽樹此情
不可道此別何時遇望望不見君連山起煙霧

送裴十八圖南歸嵩山二首 前人

何處可為別長安青綺門胡姬招素手延客醉金樽臨當
上馬時我獨與君言風吹芳蘭折日沒鳥雀喧舉手指飛

鴻此心

集作清

難具論同歸無早晚潁水有清源

二

思君潁水綠忽復歸嵩岑歸時莫洗耳為我洗其心洗心
得真情洗耳徒賣名

集作買

謝公終一起相與濟蒼生

送張秀才謁高中丞

并序

前人

余時繫尋陽獄中正讀留侯傳秀才張孟熊蘊滅胡之策
將之廣陵謁高中丞余嘉

一作希

子房之風感激於斯人因
作是詩以送之

秦帝淪玉鏡留侯降氛氲感激黃石老經過滄海君壯士
揮金搥報讐六合聞智勇冠終古蕭陳難與群兩龍爭闔
特天地動風雲酒酣舞長劍倉卒解漢紛宇宙初倒懸鴻

清勢將分英謀信竒絕夫子揚清芬胡月入紫微三光亂
天文高公鎮淮海談笑廓妖氛採爾幕中畫

集作所振

雄畧期

難光殊勲我無燕霜感玉石俱燒焚但酒一行淚臨岐竟
何云

同王昌齡送族弟襄歸桂陽

前人

秦地見碧草楚謠對清樽把酒爾何思鷓鴣啼南園予欲
亦一作羅浮隱猶懷明主恩躊躇紫宮戀孤一作辜
負滄洲言
終然無心雲海上同飛翾相期乃不淺幽桂有芳根

一作雜芬

送賀賓客歸越

前人

鏡湖流水漾清

一作春始

波征客歸舟逸與多山陰道士如相

見應寫黃庭換一作白鵝

送友人之新豐

劉希夷

日暮秋風起關山斷別情淚隨黃葉下愁向綠樽生野路
歸驂轉河州宿鳥驚賓遊寬旅宴王事促嚴程

餞李秀才赴舉

前人

鴻鵠振羽翩翩飛入帝鄉朝鳴集銀樹暝宿下金塘日月
天門近風煙夜路長自憐窮浦鴈歲歲不隨陽

洛中晴月別殷四入關

前人

清洛浮橋南渡頭天明集作萬里林葉秋集作華晴看石
瀨光無數曉入圓潭浸集作不流微雲一點曙煙起南陌

憧憧適行子欲將此意與君論復道秦關向千里

送綦母潛

盧象

夫君不得意本自滄海集作來高足未云騁虛舟復空迴

淮海楓葉落灞岸桃花開去家甞為閑一作出巡浮沉安

繫哉如何天覆物還遣世遺才欲隱秦將漢當關王與裴

離筵對寒食別雨乘春雷會有徵書到荷衣且慢裁

送祖詠

前人

田家宜伏臘歲晏子言歸石路雪初下荒村一作鷄共飛

東原同一作煙火北澗隱寒輝滿酌野人酒倦聞隣女機

胡為因樵採幾日被集作朝衣

送劉高郵稅使入都

祖詠

常聞積歸思昨日復一作兼秋鄉路京華遠王程江水流

吳歌喧兩岸楚客醉孤舟漸覺潮初上悽然多暮愁

送崔員外黔中監選

綦毋潛

持衡出帝畿星指夜即飛神女雲迎馬荆門雨濕衣聽猿
收淚罷繫鴈待書稀蠻貊雖殊俗知君肝膽微

送章彛下第

前人

長安渭

集作灞

橋路行客別時心獻賦溫泉畢無媒衛闕深

黃鶯啼就馬白日暗歸林三十名未立君還惜寸陰

送賈恒明州兼寄溫張二司戶 前人

越客新安別秦人舊國情舟乘晚風便月帶上潮平花路
西施石雲峯勾踐城明州報兩椽相憶二毛生

送宋秀才

前人

冠古稱榮盛當時數戟門舊交丞相子繼世五侯孫長劍
倚天外短書盈萬言秋風一送別江上黯銷魂

送平判官入秦

前人

謫遠自安命三年已忘歸同心願執手驛騎到門扉云是
帝鄉去軍書謁紫微曾為金馬客向日淚霑衣

送儲十二還莊城

前人

西板河繚繞青林門子家天寒噪野雀日晚度城鴉寂歷
道傍樹瞳矓原上霞茲情不可說長恨隱淪賒

送樊十少府

常建

微風吹霜氣寒影流前除落日未能別蕭蕭林下虛愁煙
閉千里仙尉其何如因送別鶴噪贈之雙鯉魚鯉魚在金

盤別鶴哀有餘心事則如此請君開素書

送陸權

前人

聖代^疑秀才陸生何考繁南山高松樹不合空摧殘九月湖上別北風秋雨寒慙慙嘆孤鳳早食金琅玕

送李十一尉臨溪

前人

冷冷花下琴君唱渡江^{一作頭}吟天際一帆影預懸離別心以言神仙尉因致槎華音迴軫樵商調越溪澄碧林

送宇文六

前人

花映隨楊水徹^{一作漢水}清曉^{一作微}風林裏一花輕即今江北還如此愁殺江南離別情

文苑英華卷第二百六十九

文苑英華卷第二百七十

詩一百一

送行五

高適十一首

王昌齡八首

陶翰一首

劉昫虛二首

劉長卿二十首

朱頎七首

送柴司戶充劉鄉判官之嶺外 高適

嶺外資雄鎮朝端寵節旄月鄉臨幕府星使出詞曹海對

羊城闊山連象郡高風霜驅瘴癘忠信涉波濤別恨隨流

水交情脫寶刀有才無不適行矣莫徒勞

送馮判官

前人

碣石遼西地漁陽薊北天關山惟一道雨雪盡三邊才子

方爲客將軍正愛

集作渴

賢遙知幕府下書記日翩翩

送張少府

前人

歸客留不住朝雲縱復橫馬頭向春草斗柄臨高城嗟我

久離別羨君看弟兄歸心更難道回首益

集作一

傷情

淇上送韋司蒼往滑臺

前人

飲酒莫辭醉醉多適不愁孰知非遠別終念對新

集作窮

秋

滑臺門外見淇水眼前流君去應回首風波蒲渡頭

東平別前衛縣李案少府

前人

黃鳥翩翩楊柳垂春風送客使人悲怨別自驚千里外論

交却憶十年時雲門汶水孤帆遠路遠梁山死馬馳此地

從來可乘輿留君不住亦棲其

送別

前人

昨夜離心正鬱陶三更白露西風高螢飛木落何浙瀝此

時夢見

集作忽頽

西歸客曙鍾寥亮三四聲東隣嘶馬使人驚

攬衣出戶一相送惟見歸雲縱復橫

送別王微

前人

歸客自南楚悵然思北臨

一作林

蕭條秋風暮迴首江淮深

番君終日歡

集作番連愁作歡

或爲良甫吟時輩想鵬舉他人嗟

陸沉載酒登平臺贈君千里心浮雲暗長路落日有歸禽

離別未足悲辛勤當自任吾知十年後季子多黃金

送蕭十八與房侍御迴還

前人

常苦

一作悲

古人遠今見斯人古澹汨遺聲華周旋必鄒魯

故交在梁宋遊方出庭戶匹馬鳴朔風一身濟河滸辛勤
採蘭詠欵曲翰林主歲月催別離庭闈遠風土寥寥寒燈
靜莽莽夕雲苦明發不在茲青天眇難覩

餞宋八元彭中丞判官之嶺南 前人

觀君濟時略使我氣填膺長策竟不用高才徒見稱一朝
知己達累日詔書徵羽翻忽然動集作就風飈誰敢陵舉鞭
投嶺障屈指冒炎蒸北鴈送馳駟南人思飲水彼邦本偏強
習俗多驕矜翠羽千平法黃金繞直繩若將除害馬慎勿
信蒼蠅魑魅寧無患忠貞適有憑猿啼山不斷爲跼路難
登海岸山交趾江城連始興繡衣當節制幕府盛威稜勿
憚九疑險須令百越澄立談多感激行李即嚴凝離別胡

爲者雲霄遲爾昇

贈別韋參軍

前人

二十解詩選書劍西遊長安城舉頭望君門屈指取公卿

國風冲融邁三五朝廷懽樂彌寰宇白壁皆言賜近臣布

衣不得集取明主歸來洛陽無負郭東過梁宋非吾土免

苑爲農歲不登鴈池垂釣心常苦世人向我同衆人惟羣

於我情集作最相親且喜百年有交態未魯集作當一日辭家

貧

彈琴擊筑白日晚縱酒高歌楊柳春歡娛未盡分散去使

我惆悵驚心神終當不作兒女悲詩選臨岐涕淚詩選霑

衣巾

宋中贈別周梁李三子

前人

曾是不得意適來兼別離何如一樽酒翻作滿堂悲周子
負高價梁生多逸詞周旋梁宋間感激建安時白雲集作雪
正如此青天一作雲無自疑李侯懷清英骭髀乃天資方寸
且無間衣冠當在斯俱為千里遊忽集作勿念兩鄉辭且見
壯心在莫嗟携手期涼風吹白原落日照西波露下草初
白天長雲屢滋我心不可問集作得君去集作去定何之京洛
多知已誰能憶左思

別劉諤

王昌齡

天地寒更雨蒼茫楚城陰一罇廣陵酒十載衡陽心倚仗
不可料悲歡豈易尋相逢成遠別後會何如今身在江海

上雲連京國深行當務功業策馬何駸駸

送任五之桂林

前人

楚客醉孤舟越水將引棹山為雨鄉別月帶千里貌羈謹
同媿綸僻幽聞虎豹桂林寒色在苦節知所效

送李濯遊江東

前人

清洛日夜漲微風引孤舟離傷便千里遠夢生江樓楚國
橙橘暗吳門煙雨愁東南具古今歸望山雲秋

送魏二

前人

醉別江樓橘柚香江風引雨入舟一作船涼憶君遙在湘江
上一一作聽月愁送一作聽青猿夢裏長一作皆絕句詩選

送高三之桂林

前人

留君夜飲對瀟湘從此孤舟客夢長嶺上梅花侵雪暗歸
時還拂桂花一作香

送韋十四兵曹

前人

縣職如長纓終日檢我身平明趨郡府不得展故人故人
念江湖富貴如埃塵跡在戎府掾心遊天台春獨立浦邊
鶴白雲長相親南風忽至兵分散還入秦夜寒天光白海
淨詩選月色真對坐論歲暮絃悲豈詩選無因平生驅
馳分非謂杯酒仁出處兩不合忠直何由申看君泛舟去且
欲歌垂綸

送喬林

前人

草綠小平津花開一水濱今君不得意辜負帝鄉春口不

言金帛心常任屈伸阮君唯一作飲酒陶令肯羞貧陽菱

風流地滄江避世人菱歌五湖遠桂樹八公隣青鳥迎孤
棹白雲隨一身潮從秣陵上月映石頭新未可逃名利應
須在縉紳汀洲芳杜色勸爾暫垂綸

送歐陽會稽之任兼呈陳虜士 前人

懷祿貴心賞東流山水長官移會稽郡地邇上虞鄉綬帶
屏紛雜漁舟臨訟堂逶迤廼溪趣一作猿嘯飛鳥行萬室
霽朝雨千峰迎夕陽輝輝遠洲映暖暖澄湖一作光髮白
有高士青春騎疑上皇應須枉車歇疑為我訪荷裳

送朱大出關

陶翰

楚客西上書十年不得意平生相知者晚節心各異長揖

五侯門拂木謝中貴丈夫多離別各有四方事接劍因高
歌蕭蕭北風至故人有斗酒是夜共君醉努力長一作加
餐當年莫相棄

送韓平兼寄郭微

劉沓虛

上客夜相過小童能沽酒即為臨水處正值歸鴈後前路
望鄉關近家見門柳春時未曾暮風景自應有余憶東周
人經年別未久殷勤為傳語日夕念携手兼問前寄書中
間復達否

海上送薛文學

前人

日處歸且遠送君東悠悠滄溟千萬里日夜一帆舟曠望
絕國所微茫天際愁有時近仙境不定若夢遊或見青山

石孤舟百處秋前心方杳眇此路獨夷猶離別惜吾道渡
澤敬皇休春浮溪花遠思逐海水流日暮驪歌後永懷空
滄洲

送徐大夫赴廣州

劉元卿

上將壇場拜南荒集作方羽檄招遠人來百越元老事三朝

霧繞龍川暗山連象郡集作嶺遙路分江淼森軍發馬蕭蕭

塞集作畫角知秋氣樓船逐暮潮當令輸貢職集作賦不使外

夷驕

送齊郎中典括州

前人

星象移何處旌旄獨向東勸耕滄海畔聽訟白雲中樹影
集作色雙溪合猿聲萬嶺同石門空康樂在集作幾里狂帆

通

送李中丞之襄州

前人

流落征南將曾驅十萬師罷歸無舊業老去戀明時獨立

三朝識輕生一劍知茫茫江漢上日暮欲復集作何之

送李秘却赴南中

此公舉家先流寓嶺外兄弟數人俱沒南中

前人

却到番禺日應傷昔所依炎州百口住故國幾人歸路識

梅花在家看棣萼稀獨逢迴鴈去一作衡陽猶作舊行飛

送營田判官鄭侍御赴上都

上國三千里西遊集作還及歲芳故山經亂在春日送歸長

曉奏趨雙闕秋成報萬箱幸論開濟力已實海陵倉

送嚴侍御充東畿觀察判官

前人

洛陽爭戰後君去問凋殘雲日臨南至風霜向北寒故國

經亂失古道集作木近鄉看誰訪江城客年年守一官

送蔡侍御赴上都

前人

遲遲立駟馬久客戀瀟湘明日誰同路新年獨到鄉到集作別

孤煙向驛遠積雪去關長秦地看春色南枝不可忘

送朶侍御赴永州

前人

瀟滌江雨暗客散短集作野亭空憂國天涯去思鄉歲暮同

到時猿未斷回處水應窮莫望零陵路千峰萬木中

送鄭說集鄭晚之歙州謁薛忠郎中集作侍郎前人

漂泊來千里謳謠滿百城漢家遵太守魯國重諸生俗變

人難理江流集作傳水至清船經危石住一作往路入亂山行

老得滄洲趣春傷白首情嘗聞馬南郡門下有康成

送裴使君赴荆南文行軍司馬 前人

盛府南門寄前程積水中月明臨下口山晚望巴東故節

辭江郡寒笳發渚宮漢川風景好遙羨繼集作遂羊公

送鄭十二一作山人還廬山已見二百三十一卷 前人

送行軍張司馬罷使適越 前人

時危身赴敵事往任浮沉末路三江去當時百戰心春風

吳苑緣古木刻山深千里滄波上孤舟不可尋

送馬秀才移家京洛赴舉 前人

自從為楚客不復掃荆扉劍共丹城在書隨白髮歸舊遊

經亂盡後進識君稀空把相如賦何人薦禮闈

送荀八過山陰訪舊集作兼寄剡中諸官

訪舊山陰縣扁舟到海涯故林嗟滿歲春草憶佳期晚景

千峰亂晴江一鳥遲桂香晉客處楓暗泊舟時舊石曹娥

篆空山禹帝集作夏禹柯刻溪多隱吏君為道長思

送耿拾遺歸上都 前人

若為天畔獨歸秦對水看山欲暮春窮海別離無限路隔

河征陣獨歸人長安萬里傳雙淚建德千峯寄一身想到

郵亭愁駐馬不堪西望見風塵

送嚴員外集作吳中贈列嚴士元 前人

春風倚棹闔闔城殊國雲陰暗或作水閣復晴細雨濕衣

看一作不見閑花落地聽無聲日斜江上孤帆影草綠湖或

江南萬里情君去一作東道若逢相識問青袍今已悞儒生

此詩二百八十七卷重出今已削去注異同為一作

送柳使君赴袁州

宜陽出守新恩至京口因家始願違五柳閉門高士去三
苗按節遠人歸月明江路聞猿斷花暗山城見吏稀惟有
郡一作舊齋窻裏岫朝朝空對謝玄暉

送陸澧倉曹西上集作下

前人

長安此去欲何依先達誰當薦陸機日下鳳翔雙闕迴雪
中人過三陵稀舟從故里難移棹家在寒塘獨掩扉臨水
自傷居洛集作流洛久贈君空有淚霑巾

送皇甫曾赴上都

前人

帝鄉何處是岐路空垂泣楚客集作思愁暮多川長帶潮急
潮歸人不歸獨向廻塘立

送人歸沔南

朱頌

梅花今正發失路復何如舊國雲一作霞山在新年風景餘
春曉漢陽夢日寄武陵書可惜明時老臨川莫羨魚

送劉主簿歸金壇

前人

與子十年舊其如離別何宦遊憐故國歸夢是滄波京口
青山遠金陵芳草多雲帆曉客裔江口書清河縣郭舟人
飲津亭漁者歌茅山有仙洞羨爾再經過

送顧朝陽還

前人

寂寞俱不偶裹糧空入秦官途已可識歸卧包山春舊風

指飛鳥滄波愁旅人開樽洛水上怨別柳花新

送竇叅軍

前人

城南送歸客舉酒對林巒喧鳥迎春轉風一作春衣度雨寒

桃花開翠幕柳色傍金鞍公子何時至無令芳草闌

送魏萬之京

前人

朝聞遊子唱離歌昨夜微霜初渡河鴻鴈不堪愁裏聽雲

山况是客中過關城樹色催寒近御苑砧聲向晚多莫見

長安行樂地空令歲月易蹉跎

贈別穆元令

前人

二職九載滿藏名三十年丹墀策頻獻白首官不遷明主

棄微士吏曹何忽賢空懷濟世業獨棹滄海船舉酒洛門

外一作送春滄

君春

海邊彼鄉有令弟小邑試烹鮮轉浦雲

整媚涉江花鳥連綠芳暗楚水白鳥飛吳煙贈竹亦奚貴

亂流期早旋金閨會通籍生事豈一作亦徒然

送張諲入蜀

前人

出門便為客惘然悲徒御四海惟一身茫茫欲何去經山

復歷水百恨將千慮劍閣送一作空

一作空

梁州是君斷腸處客心

落口感君深夢裏慕

一作孤雲傷客心

江畔蒹葭渚天邊

橘柚林蜀江流不測蜀路險難尋木有相思號猿多愁苦

吟一作音

莫向禺山隱禺山地非近故鄉可歸來眼見芳菲

盡

文苑英華卷第二百七十終



